

Յոյ...³¹ Պետք է ենթադրել, որ Սիմեոն բժիշկը եղել է Մխիթարի ժամանակակիցը, կամ ապրել է նրանից անմիջապես հետո (XII դ. վերջ—XIII դարի սկիզբ)։ Անպայման մեծ համարում ունեցած այդ բժշկի անունը հիշատակվում է Մատենադարանի հայերեն բժշկարաններից մեկում, որ սակրային զանազան հիվանդությունների բուժման համար առաջարկվող մի դեղատոմս կա նրա անունով. «Մաշում Սիմէօնի, որ օգտէ կուզութեան և ամէն սակրացաւութեան»³²։

Մինչև XV դարը ստեղծագործած հայ բժիշկների անհայտ աշխատություններից մնացած վերահիշյալ պատահիկները ավելի են ամբողջացնում միջնադարյան հայ բժշկագիտության պատկերը, մեկ անգամ ևս հավաստելով, որ միջնադարում՝ առանձնապես X—XIV դդ. Հայաստանում բժշկագիտությունը վերելք է ապրել, ստեղծվել են նշանակալից աշխատություններ, որոնք բոլոր ամենայնի նպաստել են հայ բժշկագիտական մտքի զարգացմանը։

Գ. Մ. ԿԱՐԱՊԵՏՅԱՆ


ՇԵԴԴԱԴՅԱՆ ԴՐԱՄՆԵՐԻ ՄԱՍԻՆ

Միջնադարյան լազվագյուտ դրամների թվին են պատկանում Շեդդադյան ամիրանների դրամները։

Նյութերի բացակայության պատճառով մինչև վերջերս հնարավոր չէր խոսել Հայաստանում շեդդադյան դրամների շրջանառության մասին։ Սակայն ներկայումս նոր դրամագիտական վկայությունները թույլ են տալիս նշելու, որ

ՍՍՀ տարածքի վրա արդեն ի նայտ են եկել Շեդդադյան հարստության հետևյալ դրամները։

1. Դիրհեմ, թողարկված Շեդդադյան ամիրա Ֆադլ I իրն Մուհամմեդի (հիշրայի 375—422 թթ.=մ. թ. 985—1031 թթ.) և Աբբասյան խալիֆա ալ-Կադիր Բիլլահի (հիշրայի 381—422 թթ.=մ. թ. 991—1031 թթ.) անունների հիշատակությամբ։



XI դարում հայկական շուկաներում, մասնավորապես Հայաստանի հյուսիս-արևելյան կողմերում, բացի բյուզանդական դրամներից, որոնք այնքան հաճախ են գտնվում, տարածված են եղել նաև շեդդադյան դրամները։ Հայկական

2. Դիրհեմ, թողարկված Շեդդադյան ամիրա Ալի իրն Մուսա Լաշկարի II-ի (հիշրայի 425—440 թթ.=մ. թ. 1034—1049 թթ.) և Աբբասյան խալիֆա ալ-Կաիմ Բիամր ալլահի (հիշրայի 422—467 թթ.=մ. թ. 1031—1075 թթ.) անունների հիշատակությամբ։

3. Դիրհեմ, թողարկված Շեդդադյան ամիրա Աբու-լ-Ասվար Շավուր իրն Ֆադլի (հիշրայի 441—459 թթ.=մ. թ. 1049—1067 թթ.) և Աբբասյան խալիֆա ալ-Կաիմ Բիամր ալլահի

³¹ Տե՛ս նույն տեղում։

³² Մաշտոցի անվ. Մատենադարան, ձեռ. № 7304, էջ 76ա։

(հիշրայի 422—467 թթ. = մ. թ. 1031—1075 թթ.) անունների հիշատակությամբ:

Այդ բոլոր դրամների վրա արաբերեն բուֆի տառաձևերով (թեև դիտվում են նաև ոճական այլ տարրեր) դրոշմվել են ամիրանների տիտղոսներն ու անունները, ինչպես նաև մահմեդականության սուլունի դավանանքի աղոթք դարձած խոսքերը, քաղված Ղուրանի 9-րդ գլխի 33-րդ և 61-րդ գլխի 9-րդ ոտանավորներից: Դժբախտաբար դրամների վրա չեն պահպանվել նրանց թողարկման տարեթվերը և տեղանունները: Մի քանի օրինակների վրա, հազիվ նշմարելի, ընթերցվում է Գանձակ քաղաքի արաբերեն դրված անունը: Այդ քաղաքը եղել է շեղադղյան դրամների թողարկման գլխավոր կենտրոնը: Շեղադղյանները թողարկել են միայն արծաթե դրամներ, ուրիշ մետաղներից շեղադղյան դրամներ դեռևս չեն հայտնաբերվել: Սակայն արծաթե այդ դրամներն իրենց ձուլվածքի մեջ մոտ կիսով չափ պղինձ են պարունակել: Արծաթի պակասությունը ճգնաժամային վիճակ էր ստեղծել արևելյան շատ երկրներում: Շեղադղյան դրամները շրջանառության տեղական ոլորտից դուրս չեն անցել: Եվ դա պատահականություն չէ, որովհետև արծաթի չնչին պարունակությամբ խիստ ցածր որակի այդ դիրհմները չէին կարող միջազգային լայն ընդունելություն ունենալ: Հայաստանի համար շեղադղյան դիրհմները եղել են տեղական դրամական միավորներ և արտացոլում են Աղվանքի և Հայաստանի տնտեսական կապերի անմիջականությունը XI դարում: Դրանց հայտնաբերումը Հայաստանի յուսիսարևելյան կողմերում միանգամայն օրինաչափ է, եթե նկատի ունենանք, որ ավելի քան հարյուր տարի (971—1075 թթ.) Շեղադղյան ամիր-

րանները եղել են Դվին և Գանձակ քաղաքների տերերը, իսկ այդ դինաստիայի մեկ ուրիշ ճյուղը 1072 թ. սելջուկյան սուլթան Ալփասլանից գնել էր հայոց Անի քաղաքը, ուր մինչև XII դարի վերջն ընթացել է Անիի Շեղադղյանների՝ խոշոր ֆեոդալական այդ տան գործունեությունը: Հատուկենտ օրինակներով շեղադղյան դրամներ գտնվել են Դվին քաղաքի ավերակներում: Սակայն առավել կարևոր վկայություն է Հայկական ՍՍՀ Վարդենիսի շրջանի Վարդենիս քաղաքատիպ ավանում գտնված դրամական գանձը, բաղկացած 109 ամբողջական ու մի քանի կոտրված դրամներից, որոնք թողարկվել են Շեղադղյան ամիրաններ Ֆադլ I իրն Մուհամմեդի և Ալի իրն Մուսա Հաշկարի II-ի իշխանության տարիներին, ըստ որում վերջինիս անունով հայտնվել է միայն մեկ դրամ: Գանձի քննությունը պարզել է, որ այն թաղվել է XI դարի երկրորդ կեսին: Բազրատությանց թագավորության ժամանակներում և հետագայում հենց այդտեղով, այսինքն Սևանին մոտ գտնվող այժմյան Վարդենիսի դրազեցրած տարածքի միջով են անցել Դվին—Պարտավ, Դվին—Գանձակ առևտրական ճանապարհները:

Չափագիտական առումով շեղադղյան դրամները ներկայացնում են Անդրկովկասում թողարկված ամենածանր քաշի դրամական միավորները XI դարում: Նրանց միջին կշռային չափը յուրաքանչյուր դիրհմի համար կազմում է մոտ 4,50 գրամ: Սակայն շեղադղյան դրամների ինչպես չափագիտության, այնպես էլ հնագիտության հարցերը առանձին քննության առարկա են:

Պատմ. գիտ. դոկտոր Խ. Ա. ԼՈՒՇԵՂՅԱՆ

НОВОЕ В АРМЯНСКОМ И ОБЩЕМ ЯЗЫКОЗНАНИИ

В ряду трудов Г. Б. Джаукяна по армянскому, индоевропейскому и общему языкознанию одно из видных мест занимает недавно вышедшая в свет работа под названием «Основы теории современного армянского языка»¹. Эта работа ученого представляется нам крупным вкладом в арменистику, но ее значение не ограничивается рамками армянского языкознания. В качестве существенной особенности кни-

ги следует отметить и то, что она содержит новые важные для общего языкознания положения. Новизна этих положений, как и сама арменоведческая сторона работы, безусловно требует пристального внимания со стороны исследователей, и в первую очередь специалистов по теории языка. Однако приходится сожалеть, что эта книга, написанная на армянском языке, еще не получила распространения за пределами нашей республики. К тому же до сих пор нет необходимого обзора ее на русском языке, который позволил бы читателям хотя бы в общих чертах ознако-

¹ Գ. Բ. Զաւէնկյան, Ժամանակակից հայոց լեզվի տեսության հիմունքները, Երևան, 1974: